

JAVNA USTANOVA "KULTURNO-SPORTSKI CENTAR I RADIO ILIJAŠ"

***PLAN RADA JAVNE USTANOVE "KULTURNO-SPORTSKI
CENTAR I RADIO ILIJAŠ" ZA 2015.GODINU***

Ilijaš, mart 2015.

Javna ustanova "KULTURNO-SPORTSKI CENTAR I RADIO ILIJAŠ" je multidisciplinarna ustanova, te se finansira iz budžeta Općine Ilijaš, koja je ujedno i osnivač Ustanove. Svoje prve korake, KSCI RADIO ILIJAŠ, odpočeo je davne 1978. godine, kao Centar za kulturu i informisanje Ilijaš. Nesretna ratna zbivanja na prostoru BiH uticala su da Centar za kulturu i informisanje postane centar za ratnu propagandu, što je dovelo do devastiranja objekta.

Danas, JU "KSC I RADIO ILIJAŠ" raspolaže sa tri objekta:

- * Glavnom zgradom, koja u svojoj strukturi ima Biblioteku, Kino salu, Radio Ilijaš;
- * Sportsku dvoranu, koja je počela sa radom 2006. godine te
- * Infrastrukturnim objektima Antenski stub i kućica na lokaciji Karašnica.

JU "KSC I RADIO ILIJAŠ" je svih prethodnih godina, pored organizovanja brojnih koncerata raznih muzičkih žanrova, pozorišnih predstava, likovnih izložbi, promocija knjiga, filmskih produkcija, edukativnih radionica, općinskih manifestacija, svoje sadržaj proširila i na organizaciju sedmodnevne manifestacije kulture, sporta i trgovine "Ilijaški dani". Na ovaj način omogućeno je svim sportskim klubovima i udruženjima da kvalitetno obavljaju svoje aktivnosti i time postao vodeći centar za većinu kulturno-sportskih, edukativnih i ostalih društvenih zbivanja na području općine Ilijaš. U svrhu pružanja što boljih usluga našim korisnicima i građanima općine Ilijaš, menadžment i uposlenici JU "KSC I RADIO ILIJAŠ" nastojat će da i u 2015. godini pruže kvalitetnu uslugu svim konzumentima naših usluga.

PLAN RADA SEKTORA ZA KULTURU U 2015. GODINI

Kultura kao kompleksna društvena pojava obuhvata oblast duhovnog i materijalnog stvaralaštva te igra veoma važnu ulogu u odgoju i obrazovanju, te očuvanju kulturne tradicije i vrijednosti društva. Jedan od krucijalnih ciljeva kulture jeste edukacija mladih i djece, odnosno njihovo oplemenjivanje te oblikovanje prostora u kojem će razvijati svoju kulturu življenja i doživljaj kulture u skladu sa ličnim afinitetima na koleraciji kulturno-historijsko naslijeđe, sadašnjost i budućnosti. Međutim, za uspješnu realizaciju projekata iz oblasti kulture neophodna su znatna finansijska sredstva, koja su iz godine u godinu veoma limitirana. Odgovorni moraju shvatiti da je novac uložen u kulturu poticaj razvoju duhovnih vrijednosti koje nas određuju u nacionalnom smislu. JU "KSC I RADIO ILIJAŠ" ulaže izuzetne napore, kako bih kroz svoje aktivnosti pružila građanima općine Ilijaš što više kulturnih sadržaja. Planovi sektora za kulturu za 2015. godinu usmjereni su, prije svega, ka realizaciji mnogobrojnih aktivnosti koje je JU "KSC I RADIO ILIJAŠ" podržala i proteklih godina, a tiču se sadržaja koji se održavaju u kino sali a čiji su organizatori udruženja, škole, općina i drugi subjekti pri čemu je Ustanova servis i služi da obezbjedi adekvatne uslove. Jedna od aktivnosti koju smo uspješno realizovali tokom 2014. godine jeste Manifestacija kulture, sporta i trgovine "Ilijaški dani". Nastavak ovog dugogodišnjeg, uspješnog projekta očekujemo i u 2015. godini.

U 2015. godini JU "KSC I RADIO ILIJAŠ" započet će i sa projektom kreiranja i izdavanja Ilijaškog biltena, u svrhu efikasnijeg informisanja građana na području općine Ilijaš. Izdavanje biltena predviđeno je svaka tri mjeseca tokom 2015. godine, u zavisnosti od finansijskih sredstava i podrške općine Ilijaš. Motivisani željom za kvalitetnijim i sadržajnim aktivnostima za građane/ke općine Ilijaš, analizirali smo potrebe stanovnika općine Ilijaš, čime smo uvidjeli veliko interesovanje za organizovanje kursa turskog jezika. Vođeni navedenim motivima, još jedan od planova JU "KSC I RADIO ILIJAŠA" za 2015. godinu jeste organizovanje besplatnog kursa turskog jezika, koji bi bio jedinstven projekt, budući da se na području općine Ilijaša do sada nikada nije organizovao ovakav vid edukacije. Organizovanje besplatnog kursa predviđeno je u saradnji sa Turskim kulturnim centrom "Yunus Emre" u mjesecu aprilu 2015. godine.

Sanacija grijanja u kino sali predstavlja značajan korak naprijed i bitan segment za dalji rad, međutim još uvijek nije riješen problem rasvjete i adekvatnog ozvučenja. Saradnja sa pozorišnim kućama, školama i drugim ustanovama čiji interes je afirmacija kulture i kulturnih vrijednosti, ostaje naš stalni zadatak i cilj. Naša nastojanja da se „veliki“ događaji poput Sarajevske zime, Sarajevo Film Festivala, Festivala malih i eksperimentalnih scena i slično konačno počnu realizirati u našem gradu još uvijek su bez rezultata, jer veliki projekti zahtjevaju više novca koje Ustanova nemože izdvojiti te je nužno uključiti i Općinu. Sa ciljem pravljenja bar malih pomaka planiramo naredne godine pokrenuti likovnu radionicu gdje će djeca uz, pomoć profesora likovne kulture, učiti osnove crtanja i slikanja. Smatramo da je to jedan mali korak naprijed od koristi za djecu a samim tim i za zajednicu. Obilježavaju Dana općine je prilika za izložbu radova nastalih u okviru ove radionice. Nadamo se da će konačno biti više razumjevanja za oblast kulture i da ćemo već naredne, ako ne i ove godine, moći uživati u nekom od značajnijih kulturnih sadržaja.

PLAN RADA SPORTSKE DVORANE U 2015.GODINI

Sportska dvorana, koja je počela sa radom 2006. godine, raditi će na omogućavanju kvalitetnih uslova za rad svih sportskih klubova i kolektiva, udruženja, škola ali i pojedinaca sa područja općine Ilijaš i tokom 2015. godine. Kao i prethodne godine, očekujemo da se većina sportskih, kulturnih i edukativnih aktivnosti te događaja sa područja općine Ilijaš realizuje u porstornim kapacitetima sportske dvorane, budući da je tokom 2014. godine realizovano preko 1.500 besplatnih termina za naše korisnike, što svjedoči o uspješnoj saradnji Ustanove sa sportskim kolektivima i udruženjima. JU "KSC I RADIO ILIJAŠ" i dalje će pružati punu podršku u realizaciji svih kulturno-sportskih i edukativnih dešavanja u našem gradu. Naša saradnju nastavit ćemo i sa SŠC „Nedžad Ibrišimović“ i OŠ „Hašim Spahić“. I tokom 2014. godine, tokom zimskog perioda, izražen je problem grijanja sportske dvorane.

Kolektiv JU "KSC I RADIO ILIJAŠ" uložilo je maksimalne napore u rješavanju istog, kako bismo našim korisnicima pružili što kvalitetniju uslugu. Međutim, i dalje je nepohodno raditi na rješavanju problema zagrijavanja dvorane, u korist svih korisnika naših usluga.

PLAN RADA BIBLIOTEKE U 2015.GODINI

I tokom 2015. godine biblioteka nastavlja sa aktivnostima na obnavljanju knjižnog fonda i rada sa korisnicima. Prije svega, neophodno je učiniti da biblioteka postane mjesto za učenje i istraživanje. Tokom 2014. godine, našu biblioteku su posjećivali učenici osnovnih škola sa područja općine Ilijaš i taj trend planiramo nastaviti i tokom 2015. godine. Na taj način, učenici i nastavnici će moći da pronađu materijal za lični, profesionalni i obrazvoni razvoj. Prostor biblioteke je privlačno mjesto u kome se korisnici osjećaju dobro, a učenici pronalaze nepohodnu literaturu za školu ali i knjige za "slobodno vrijeme". Jedan od najvažnijih ciljeva u radu biblioteke za 2015. godinu jeste podsticanje djece i mladih na učlanjanje i čitanje knjiga, budući da se djeca i mladi sve više okreću ka savremenim tehnologijama, odnosno internet i mobitelima. Zato je važno razvijati čitalačke vještine, podsticati na čitanje iz zabave i zadovoljstva te stvoriti naviku odlaska u biblioteku. Shodno tome, tokom 2015. godine izbršit ćemo prijem učenika prvog razreda u biblioteku, njihovo učlanjivanje i tumačenje pravilnika oko uzimanja, čuvanja i vraćanja knjiga. I tokom 2015. godine nastojat ćemo pružiti našim čitaocima kvalitetnu uslugu kroz obnovu i dopunu našeg književnog fonda.

PLAN RADA RADIO ILIJAŠA ZA 2015. GODINU

U 2015., godini Radio Ilijaš će promijeniti pristup brojnim oblastima. Poštujući novu programsku zimsku shemu planiramo uvesti i već smo uveli više reportaža sa terena, više priča o „običnim“ ljudima. I dalje ćemo pratiti sve projekte općine Ilijaš, rad klubova i udruženja, kao i važne datume u našem gradu. I ove ćemo godine praviti posebne programe i reportaže o Srebrenici, Višegradu, uz javljanje sa terena. U planu je obilazak i pravljenje reportaža i priloga u svim naseljenim mjestima, a za vrijeme Ramazana praviti ćemo priče o svim ilijaškim džamijama. U planu je potpuno novi pristup obrazovnom, vjerskom, kao i muzičkom programu uz intervjue, reportaže i gostovanja. I dalje ćemo njegovati očuvanje sevdalinke i bogatog kulturno-historijskog naslijeđa našeg grada i države. Još ćemo više izvještavati o događajima iz nama susjednih općina a uvešćemo sedmičnu emisiju o dešavanjima u Ilijašu koju ćemo u audio formi sa priložima postavljati i na web stranicu. Posebna shema bit će kreirana za proljeće i ljeto uz više muzike i kratkih informativnih emisija i priloga. Imamo u planu provesti istraživanje o slušanosti Radio Ilijaša i o potrebama i željama slušatelja, pa ćemo na osnovu analize tih podataka uvesti i dodatne promjene.

Dosad smo se odupirali, ali moramo razmisliti i otvaranju stranice Radija na društvenim mrežama iz prostog razloga što drugi prenoseći naše vijesti i tekstove bez potpisa grade svoj imidž i omalovažavaju rad naših novinara kojima ponekad trebaju dani i obilazak mnoštva adresa kako bi došli do informacije što se devalvizira običnom „copy-paste“ metodom. Uveli smo rubrike „Kolumne“ gdje planiramo objaviti niz tekstova koje ne spadaju u rubriku „vijesti“.

Radio je prvi, a ne internet, otkrio mogućnosti novog sistema javnog komuniciranja kao tribine, dijaloga i poliloga, u kojima građani nisu više samo objekti, primatelji, recipijenti, nego i aktivni komunikatori, što dovodi i do podizanja kulture življenja na višu razinu. Radio ljudi uzimaju zdravo za gotovo. Konzumiraju ga u velikim količinama i u situacijama kada drugi mediji ne mogu doprijeti do njih. Radio je i dalje najomiljeniji medij u Švicarskoj, ocjenjuje publika. Svaki dan radio sluša 91% Švicaraca. Jedna od glavnih osobina radija jeste da je on „sekundarni medij“. Drugim riječima, radio je sveprisutan. Možete da radite hiljadu drugih stvari i da slušate radio. Da vozite, kuhate, perete veš, radite na kompjuteru, odmarate se, jedete, pijete, trčite. Radio dopire do više od 80% domaćinstava u glavnim zemljama Evrope i može se mjeriti sa televizijom po prosječnom vremenu slušanosti. Radio kao medij ima i neke podrazumijevajuće prednosti - slušaocima služi za opuštanje, ali je i sredstvo za pružanje informacija. Možete ga uključiti na svakom mjestu i slušati dok se bavite drugim aktivnostima; takođe više nije neophodno da imate radio aparat kako biste slušali određene frekvencije, jer svako ko ima računar može pratiti program na internetu ili putem mobitela. Prema istraživanju koje je sproveo Forrester Research, radijske reklame prirodno popunjavaju pauze između muzičkih blokova i ne prekidaju duže govorne dijelove, pa ih slušaoci smatraju manje nametljivim od televizijskih. Zvučni efekti mogu privući pažnju slušaoca i kada nisu koncentrisani na slušanje radio stanice, te potiču maštu i vlastitu predodžbu o događaju. Radio je dobro koristiti kao „prateći“ medij, jer prenosi imidž oglašavanja na televiziji. Rezultati istraživanja GfK BH pokazuju da 78% stanovništva BiH sluša radio. Ovaj omjer 4 prema 1 u korist onih koji slušaju radio je prilično dobar. Prosječno slušanje radio stanica tokom dana na nivou BiH je 144 min. Radio se u prosjeku više sluša u Federaciji BiH (160 min) u odnosu na slušanost radija u Republici Srpskoj (107 min). 34,6% BH slušatelja sluša radijski program u autu, dok njih 20% sluša radijski program i na poslu. Radio je vrlo brz medij i elektronska narudžba može već za sat vremena biti emitirana u eter u vrhunskoj produkciji. Vrlo bitna je i emocija koju radio prenosi, a ne prenose je drugi mediji. Svako ima svoj omiljeni radio, ali nema omiljeni tv kanal. Na radiju se vežete za glas koji čujete, Radio definitivno pokreće ljude i to je njegova prednost. U to se svakodnevno uvjeravamo na terenu i u susretu sa našim slušateljima koji vole taj atribut i prisno prisvajanje „naš Radio Ilijaš“ i informaciju najviše vole i dobiti od svog Radija.

U nastavku Vam predstavljamo novu programsku shemu Radio Ilijaša, čija je realizacija otpočela u decembru 2014. godine.

NOVA PROGRAMSKA SHEMA RADIO ILIJAŠA

Precizno utvrđena programska šema sa kratkim i zanimljivim govornim segmentima standard je na svim modernim radio stanicama. Želja nam je napraviti „obogaćenu“ verziju jutarnjeg programa koji slušaocima ne nudi samo najvažnije informacije i najave zbivanja, već im uz veliku dozu humora i interesantnih tema uljepšava dan. Muzika u Ilijaškom jutru bit će zabavna domaća pop ili “meki” rok do vijesti u 11. Svaka rubrika treba imati originalni i upečatljivi najavni jingl. Realizacija plana nije moguća bez uključenja svih uposlenih i shemu treba poštovati, kako tehničar tako i novinar. Ovakav prijedlog sheme je pogodan za jesen i zimu kada je i slušanost radija veća.

Jutarnji program-Ilijaško jutro od 7 do 11 sati, svakim danom osim vikenda

- 07.00. NAJAVA
- 07.10. VREMENSKA PROGNOZA UZ BIOMETEOROLOŠKU I VRIJEME U ILIJAŠU
- 07.20. STANJE NA PUTEVIMA
- 07.30. NOVINE UZ JUTARNJU KAFICU (OSLOBOĐENJE)
- 07.45. FENA SERVIS (NAJAVE DOGAĐAJA I TEMA)
- 08.00. FLESH VIJESTI
- 08.15. SERVISNE INFORMACIJE (ELEKTRO I VODOSNABDIJEVANJE, IZVJEŠTAJ
POLICIJA, HITNA, VATROGASCI, VRIJEME I STANJE NA PUTEVIMA)
- 08.30. PREGLED SPORTSKIH REZULTATA ILIJAŠKIH KLUBOVA (ČITANJE VIJESTI I
PUŠTANJE PRILOGA O DEŠAVANJIMA ZA VIKEND U SPORTSKOJ DVORANI)-
SAMO PONEDJELJKOM, OSTALIM DANIMA SPORTSKE VIJESTI IZ BIH I
SVIJETA
- 08.45.SAVJET DANA RADIO ILIJAŠA (SVAKODNEVNI SAVJETI O ZDRAVLJU,
POSLU, ODGOJU, DOMAĆINSTVU, OBRAZOVANJU, LJUBAVI)
- 09.00 VIJESTI IZ BIH
- 09.10.OBAVJEŠTENJA, MALI OGLASI
- 10.00.TEMA JUTRA- ANKETA,PRILOG, GOST U STUDIJU, NAGRADNA IGRA,
SPONZORI (PONEDJELJKOM O PRIVREDI-predstavljanje firme uz tekst na web
stranici i obezbjedjenje poklon bona za slušatelja koji se prvi javi i odgovori na lagano
pitanje-uz potvrdu dobitnik preuzima nagradu.
- UTORKOM O OBRAZOVANJU ILI ZAPOSŁJAVANJU, SRIJEDOM O ZDRAVLJU,
ČETVRTKOM O PORODICI I ODGOJU I MEĐULJUDSKIM ODNOSIMA,
PETKOM O KULTURI (petkom bi bilo lijepo uvesti rubriku preporuke knjiga za vikend uz
gostovanje bibliotekarke koja bi preporučila jednu lektiru i jedan bestseller koji se mogu naci u
gradskoj biblioteci, time bismo obogatili program a ujedno i promovisali knjižni fond nase
biblioteke)

- 10.30. HIT JUTARNJEG PROGRAMA RADIO ILIJAŠA (PROMOCIJE STARIH I NOVIH PJEVAČA I PJESAMA ZABAVNE MUZIKE)
- 10.45. VESELE MINUTE (VICEVI, AFORIZMI, ANEGDOTE UZ MOGUĆNOST DA SE I SLUŠATELJI UKLJUČE)
- 11.00. VIJESTI IZ SVIJETA

PODNEVNI I POPODNEVNI PROGRAM SVAKIM DANOM

- 11.20-14.00. OTVORENI PROGRAM- MUZIČKE ŽELJE, POZDRAVI, ČESTITKE, ZANIMLJIVOSTI, NA DANAŠNJI DAN, SERVISNE INFORMACIJE, UZ UKLJUČENJE U VIJESTI BHR1, VIJESTI IZ GRADA, Fena Servis
- 14.00 OBAVJEŠTENJA, AKTUELNOSTI, MALI OGLASI
- 15.00. BIH U 3- RADIO SLOBODNA EVROPA
- 15.40. HIT POPODNEVNOG PROGRAMA RADIO ILIJAŠA (PROMOCIJA PJESME I PJEVAČA NARODNE MUZIKE)
- 16.00. EMISIJE RADIO ILIJAŠA (PONEDELJAK SPORTSKA EMISIJA, UTORAK BIRN JUSTICE REPORT I POSAO.BA, TE RAI REPORTAŽA, SRIJEDOM PROMOCIJA ILIJAŠKIH LJEPOTA, ČETVRKOM EMISIJA O RELIGIJI, TE EMISIJA O SEVDAHU I TRADICIJI, PETKOM ILIJAŠKA RADNA SEDMICA-PREGLED SEDMIČNIH DEŠAVANJA ALI UZ PREUREĐENE PRILOGE I IZJAVE A NE SAMO ČITANJE, SUBOTOM NA RADIO ILIJAŠU KAO NEKAD-POZNATI PJEVAČI I LIČNOSTI, NEDJELJOM EMISIJA RADIO ZEHRA I OMLADINSKI PROGRAM,
- 18.00. SERVISNE INFORMACIJE, STRUJA, VRIJEME, PUTEVI
- 18.30. AKCENTI DANA RADIO ILIJAŠA-NAJVAŽNIJE VIJESTI IZ ILIJAŠA, BIH, REGIJE I SVIJETA KOJE SU OBILJEŽILE DAN
- 18.45. LIJEP A MISAO ZA KRAJ PROGRAMA (CITATI, AFORIZMI, IZREKE)
- 18.55. ODJAVA PROGRAMA

VIKEND JUTARNJI PROGRAM RADIO ILIJAŠA

- 7.00-09.00 NAJAVA, SERVISNE INFORMACIJE, PREGLED ŠTAMPE, PIJAČNI BAROMETAR, MISAO DANA
- 09.-10.00. OBAVJEŠTENJA, MALI OGLASI
- 10.30. DJEČIJA RADIO LJULJAČKA(PREPORUKE KNJIGA ZA DJECU, PREDSTAVLJANJE SEKCIJA IZ ŠKOLA, SPORTSKIH OMLADINSKIH SELEKCIJA ILI ČITANJE BAJKI ILI PREPORUKA FILMOVA ZA DJECU)- SUBOTA, A NEDJELJOM U JUTARNJEM PROGRAMU EMISIJA O PJEVAČIMA I GRUPAMA KOJI VIŠE NISU S NAMA A DALI SU VELIKI DOPRINOS MUZICI „RAI NOSTALGIJA“
- 10.45. VESELE MINUTE (VICEVI, AFORIZMI, ANEGDOTE)

EMISIJE

PONEDJELJAK

RAI SPORT OD 16-18 SATI NA POČETKU IZVJEŠTAJ O NASTUPIMA I EVENTUALNIM USPJESIMA ILIJAŠKIH KLUBOVA KAO GOSTA ILI DOMAĆINA, ZATIM OSTALE SPORTSKE VIJESTI.

UTORAK

BIRN JUSTICE REPORT-SEDMIČNA EMISIJA O PROCESUIRANJU RATNIH ZLOČINA POSAO.BA-EMISIJA O ZAPOSŁJAVANJU

17.00 RAI REPORTAŽA-O LJUDIMA I MJESTIMA, TOPLA PRIČA. REPORTAŽA JE JEDNA OD NAJLJEPŠIH NOVINARSKIH FORMI, OMOGUĆAVA UNOŠENJE DUŠE U PRIČU, TOPLINE I SAMO U NJOJ SE PREPOZNAJE LIČNI NOVINARSKI STIL. A SVAKI GRAĐANIN ILIJAŠA MOŽE BITI GLAVNA TEMA.

SRIJEDA

16.00 PROMOCIJA ILIJAŠKIH LJEPOTA I ZANIMLJIVOSTI

ČETVRTAK

16.00 EMISIJA SELAM-GOSTOVANJE ILIJAŠKIH IMAMA, A UKOLIKO PROPUSTE EMISIJU SNIMITI PRILOGE O POZITIVNIM VRIJEDNOSTIMA I AKTUELNIM VJERSKIM TEMAMA.

17.00 EMISIJA „ČEŽNJA DUŠE“ O TRADICIJI I SEVDAHU, PROMOCIJA LJUDI I UDRUŽENJA KOJA NJEGUJU TE VRIJEDNOSTI, PRAVITI PRILOGE O ZABORAVLJENIM VELIKIM IMENIMA SEVDAHA, O ŽIVOTU NAŠEG ČOVJEKA NEKADA-OBİČAJIMA I STARIM „ČEIFIMA“, STARIM RECEPTIMA.

PETAK

Od 16.00 ILIJAŠKA RADNA SEDMICA-PREGLED SEDMIČNIH DEŠAVANJA ALI UZ PREUREĐENE PRILOGE I IZJAVE A NE SAMO PUKO ČITANJE

SUBOTA

10.30. DJEČIJA RADIO LJULJAČKA (PREPORUKE KNJIGA ZA DJECU, PREDSTAVLJANJE SEKCIJA IZ ŠKOLA ILI ČITANJE BAJKI ILI PREPORUKA FILMOVA ZA DJECU).

16.00. SUBOTOM NA RADIO ILIJAŠU KAO NEKAD-GOSTOVANJE POZNATI H PJEVAČA I LIČNOSTI

NEDJELJA

10.00 EMISIJA O PJEVAČIMA I GRUPAMA KOJI VIŠE NISU S NAMA A DALI SU VELIKI DOPRINOS MUZICI „RAI NOSTALGIJA“

16.00 EMISIJA RADIO ZEHRA-MAGAZIN ZA ŽENU-ŽENSKA EDUKACIONA ORGANIZACIJA KEWSEK

17.00 OMLADINSKI PROGRAM-AKTUELNE TEME, GOSTI, PROBLEMI MLADIH, USPJESI

PLAN RADA ANTENSKOG STUBA NA KARAŠNICI ZA 2015.GODINU

Na osnovu Odluke o ustupanju prava korištenja nad infrastrukturnim objektima Antenski stub i kućica na lokaciji Karašnica, od 31.12.2013. godine, JAVNA USTANOVA "KULTURNO-SPORTSKI CENTAR I RADIO ILIJAŠ" preuzela je pravo korištenja nad infrastrukturnim objektima na Karašnici 01.01.2014. godine. I tokom 2015. godine menadžment i uposlenici KSC-a i Radio Ilijaša kontinuirano će raditi na pružanju tehničkih i drugih usluga podzakupcima objekta, kako bi se obezbjedio nesmetan rad uređaja. Kontinuirano će se raditi i na čišćenju područja oko stuba i kućice, košenju i krčenju trave, kao i farbanju predajnika. Pored navedenog planirano je montiranje UHF sistema od četiri antene na Antenskom stubu na Karašnici, čime bismo se sa postojećeg vlasništva TV OBN-a, TVSA i TV HAYAT prebacili na naš sistem i time izbjegli plaćanje troškova od 450,00KM na mjesečnom nivou BHRT1. Infrastrukturni objekti Antenski stub i kućica funkcionišu prema svim propisanim pravilima što se očituje kroz zadovoljstvo naših korisnika i zakupaca, i vjerujemo da ćemo ovaj trend nastaviti i u 2015.godini.

KADROVI

JAVNA USTANOVA "KULTURNO-SPORTSKI CENTAR I RADIO ILIJAŠ" proteklih godina zapošljava 13 uposlenikam od čega je 7 sa VSS a 6 sa SSS. U toku 2015. godine, jedan uposlenik ide u penziju, čime će se broj uposlenike smanjiti na 12. JAVNA USTANOVA "KULTURNO-SPORTSKI CENTAR I RADIO ILIJAŠ" tokom 2014.godine, uspjela je obezbjediti pripravnički i volonterski staž za 7 mladih sa područja općine Ilijaš, koji se nalaze na evidenciji Biroa za zapošljavanje. Očekujemo da ćemo i tokom 2015. godine imati priliku pomoći mladim ljudima sa područja općine Ilijaš da kroz svoj angažman steknu prvo radno iskustvo te obogate svoje CV.

**FINANSIJSKI PLAN JAVNE USTANOVE "KULTURNO-SPORTSKI
CENTAR I RADIO ILIAŠ" ZA 2015. GODINU**

R/B	VRSTA PRIHODA	PLAN 2014.	PLAN 2015.
I	2	3	4
1.	Redovan budžet Općine Ilijaš	210.00,00	210.00,00
2.	Budžet Kantona Sarajevo	17.400,00	17.400,00
3.	Kapitalni-Općina Ilijaš	5.000,00	5.000,00
4.	Manifestacija „Ilijaški dani“	5.000,00	5.000,00
5.	Projekti-programi	5.000,00	5.000,00
6.	Antenski stub	50.000,00	70.000,00
	UKUPNO	297.400,00	317.400,00
II	VLASTITI PRIHODI		
	2	3	4
1.	Prihod od članarine-biblioteka	1.500,00	2.000,00
2.	Prihod od sportske dvorane	25.00,00	25.000,00
3.	Prihod od kina	2.000,00	2.000,00
4.	Prihod od marketinga-Radio	22.500,00	22.000,00
5.	Zakupnina	15.000,00	25.000,00
6.	Ostalo	1.000,00	1.000,00
	UKUPNO	67.000,00	77.000,00

	2014.	2015.
I PRIHODI	297.400,00	317.400,00
II PRIHODI	67.000,00	77.000,00
UKUPNO:	359.400,00	394.400,00

R/B	VRSTA RASHODA	PLAN 2014.	PLAN 2015.
1.	2	3	4
2.	Bruto plate	215.000,00	225.000,00
3.	Topli obrok	21.000,00	25.000,00
4.	Prevoz na posao	3.000,00	3.000,00
5.	Porez na plaću	6.000,00	6.000,00
6.	Naknade članovima UO	6.500,00	6.500,00
7.	Ugovorene usluge	4.000,00	4.000,00
8.	Regres, slučajevi bolesti, smrt	4.000,00	6.000,00
9.	Nadzorni odbor	2.000,00	2.000,00
10.	Izdaci za autorska primanja	2.000,00	2.000,00
11.	Poseban porez na plaću 0,5 %-el. nepogode	1.000,00	1.000,00
12.	Izdaci za materijal i usluge	2.000,00	2.000,00
13.	Nabavka knjiga za biblioteku	2.000,00	2.000,00
14.	Knjigovodstvene usluge	3.000,00	3.000,00
15.	Ostale neproizvodne usluge (Sine Qua Non, UZUS)	3.000,00	3.000,00
16.	Usluge advokata	2.500,00	2.500,00
17.	Troškovi goriva i putovanja	3.000,00	3.000,00
18.	Izdaci za električnu energiju	10.000,00	15.000,00
19.	Troškovi grijanja	25.000,00	20.000,00
20.	Troškovi vode i kanalizacije	2.000,00	2.000,00
21.	Troškovi telefona	3.000,00	3.000,00
22.	Troškovi interneta	1.000,00	1.000,00
23.	Reprezentacija	500,00	500,00
24.	Troškovi bankarskih usluga, pošta i platnog prometa	1.000,00	1.000,00
25.	Ugovorene usluge, iznajmljivanje imovine i op.	1.000,00	1.000,00
26.	Otpis sitnog inventara	300,00	300,00
27.	Ostale takse, kamate i slično	500,00	500,00
28.	Troškovi oglašavanja	300,00	300,00
29.	Izdaci tekućeg održavanja	500,00	500,00
30.	Usluge opravke i održavanja	1.000,00	1.000,00
31.	Naknada za dozvolu RAK i doprinos za korištenje fre.sp.	3.500,00	3.500,00
32.	Kapitalna ulaganja	30.000,00	27.300,00
33.	Projekti	4.000,00	4.000,00
34.	Troškovi Ugovorene usluge izna. imo. i opreme-repetitor Perun i Nišići	-	17.000,00
	UKUPNO	363.600,00	393.900,00

	2014.	2014.
I PRIHODI	364.400,00	394.400,00
II RASHODI	363.600,00	393.900,00
UKUPNO:	800,00	500,00

Naša misija i krajnji cilj jeste kreiranje i promocija kulturno-sportskih i obrazovnih akitvnosti na području općine Ilijaš, i naša najveća motivacija za ostvarivanje ciljeva jeste zadovoljstvo naših sugrađana i korisnika naših usluga Radio Ilijaša, Kino sale, Sportske dvorane te Biblioteke.

Prijedlog Plana rada JAVNE USTANOVE "KULTURNO-SPORTSKI CENTAR I RADIO ILIJAŠ" sa Finanijskim planom za 2015. godinu dostavlja se Nadzornom i Upravnom odboru Ustanive na razmatranje i usavajanje te upućivanje u daljnju proceduru prem Općinskom vijeću Ilijaš.

Ilijaš, mart 2015.godine.



Direktor

 Benis Fazlić

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
JU "KULTURNO-SPORTSKI CENTAR I RADIO ILIJAŠ"
UPRAVNI ODBOR

Broj: 08-II-03/2015.
Ilijaš, 17.03.2015. godine

Na osnovu člana 27. Uredbe sa zakonskom snagom o ustanovama („Službeni list RBiH, BROJ: 6/92, 8/93 i 13/94), člana 13. Odluke o osnivanju JU "KULTURNO-SPORTSKI CENTAR I RADIO ILIJAŠ" ("Službene novine Kantona Sarajevo", broj: 2/00 i 18/10), člana 63. Pravila JU "KULTURNO-SPORTSKI CENTAR I RADIO ILIJAŠ", Upravni odbor na svojoj redovnoj dvadesetpetoj (25) sjednici održanoj 17.03.2015. godine, jednoglasno donio

ODLUKU

o utvrđivanju prijedloga PLANA RADA JU "KULTURNO-SPORTSKI CENTAR I RADIO ILIJAŠ" za 2015. godinu.

Član 1.

Uvrđuje se prijedlog PLANA RADA JU "KULTURNO-SPORTSKI CENTAR I RADIO ILIJAŠ" za 2015. godinu, koji je sastavni dio ove odluke.

Član 2.

Ova odluka stupa na snagu danom donošenja.



Predsjednik Upravnog odbora

Tarik Omerhodžić
Tarik Omerhodžić

Bosna i Hercegovine
Federacija Bosne i Hercegovine
Kanton Sarajevo
Općina Ilijaš
JU KSC I RADIO ILIJAŠ
- NADZORNI ODBOR -

Broj *II-03/2015*
Ilijaš, 12.03.2015.god.

Na osnovu člana *35* Uredbe sa zakonskom snagom i člana 53. Pravila JU KSC I RADIO ILIJAŠ, Nadzorni odbor na svojoj 7 redovnoj sjednici održanoj 11.03.2015.god. donio je:

O D L U K U

O razmatranju i analizi Izvještaja o radu JU KSC I RADIO ILIJAŠ i preporuku Upravnom odboru o usvajanju istog.

Član 1.

Preporučuje se Upravnom odboru JU KSC I RADIO ILIJAŠ da usvoji Izvještaj o radu Ustanove za 2014.god.

Član 2.

Usvaja se Izvještaj o radu Nadzornog odbora JU KSC I RADIO ILIJAŠ.

Član 3.

Ova Odluka stupa na snagu danom donošenja.

Dostavljeno:

2x a/a



Predsjednik Nadzornog odbora

Alija Mašić
Alija Mašić